

## ADMINISTRACIÓN LOCAL

### PROVINCIAL

#### DEPUTACIÓN PROVINCIAL DA CORUÑA

##### Servizo de Acción Social, Cultural e Deportes. Sección de Educación, Cultura e Deportes

*Acordo Xunta de Goberno 17/02/17 que aproba as Bases do programa de subvencións a entidades sen ánimo de lucro para realizar actividades culturais durante o ano 2017*

*Bases reguladoras do programa de subvencións a entidades sen ánimo de lucro para realizar actividades culturais durante o ano 2017*

Na sesión celebrada o día 17 de febreiro de 2017, a Xunta de Goberno acordou aprobar as Bases reguladoras do programa de subvencións a entidades sen ánimo de lucro para realizar actividades culturais durante o ano 2017, que se transcriben deseguido:

#### PROGRAMA DE SUBVENCIÓNS A ENTIDADES SEN ÁNIMO DE LUCRO PARA REALIZAR ACTIVIDADES CULTURAIS DURANTE O ANO 2017

##### BASES ESPECÍFICAS DO PROGRAMA (complementarias das bases reguladoras xerais)

##### Datos do programa

Denominación:	Programa de subvencións a entidades sen ánimo de lucro para realizar actividades culturais durante o ano 2017
Referencia:	F0203/2017
Aplicación orzamentaria:	0612/3341/481 - Importe 1.100.000 € Este importe poderá ser obxecto de modificación orzamentaria.
Importe do orzamento de gastos:	Mínimo 3.000 €
Importe da subvención que se ha conceder:	Mínimo 600 €, máximo 30.000 €
Importe solicitado:	Ata o 80 % do orzamento de gastos subvencionable,
Coefficiente de financiamento:	Variable entre 0,2000 e 0,8000

#### Base 3. Obxecto

##### 3.1 Obxecto específico do programa F0203/2017

As axudas económicas obxecto da presente convocatoria destinaranse á realización de actividades culturais por parte das entidades sen ánimo de lucro que forman parte dos seguintes catro ámbitos:

a. **Entidades de natureza cultural** (asociacións culturais e entidades que teñan o seu carácter cultural debidamente acreditado no seus estatutos).

Apoiarase o desenvolvemento de actividades culturais vinculadas á creación, investigación, formación e difusión cultural e á dinamización sociocultural do territorio.

b. **Entidades de natureza veciñal** (asociacións de veciñas e veciños, asociacións xuvenís, asociacións de mulleres rurais...).

Apoiarase unicamente o desenvolvemento de actividades e proxectos culturais orientados á dinamización sociocomunitaria e á vertebración e cohesión social.

c. **Entidades de natureza educativa** (ANPAS de centros educativos públicos), asociacións sociopedagóxicas).

Apoiarase unicamente o desenvolvemento de actividades e proxectos culturais orientados ao fomento dos contidos educativos e ao desenvolvemento persoal do alumnado dos centros educativos públicos da provincia.

d. **Entidades de natureza social e asistencial** (entidades que realizan o seu labor de xeito prioritario no campo dos servizos sociais)

Apoiárase unicamente o desenvolvemento de proxectos e actividades culturais orientados á información e sensibilización social sobre o campo de traballo das entidades peticionarias e ao traballo cos seus destinatarios directos a través de contidos artísticos e culturais.

Apoiáranse as programacións anuais ou proxectos e actividades específicas de carácter cultural a desenvolver no ano 2017. Unicamente serán obxecto de axuda os gastos de carácter corrente, en ningún caso bens inventariables.

A realización do programa de actividades para o que fose concedida a subvención será de exclusiva responsabilidade da entidade, así como as obrigas fiscais e de seguridade social que delas se deriven.

Con ánimo de clarificar o obxecto da convocatoria, indicamos a modo de exemplo unha relación de actividades susceptibles de contaren con apoio económico dentro desta convocatoria:

- As actividades de elaboración, edición e difusión de contidos culturais: libros, revistas, discos, filmes, propostas musicais e escénicas, exposicións, xornadas, congresos, clubs de lectura, recitais ...
- As programacións artísticas: ciclos, certames, xornadas, concertos, presentacións...
- O desenvolvemento de traballos e actividades culturais de investigación, formación, análise ou debate: seminarios, cursos, congresos, simposios, xornadas formativas, publicacións, mesas debate, conferencias, charlas...
- Os proxectos socioculturais e as actividades culturais de apoio ao desenvolvemento persoal dos veciños e veciñas.
- As actividades de recuperación da historia e a memoria local.
- O apoio e fomento da creatividade artística das persoas e colectivos.
- As actividades de posta en valor e difusión do patrimonio cultural material e inmaterial e de dinamización do territorio: publicacións, guías, roteiros patrimoniais, contidos audiovisuais...

### 3.2 Gastos subvencionables neste programa:

CONTA	DESCRICIÓN DA CONTA, SEGUNDO O PXCPENL
600	Compras de bens destinados á actividade ( material non inventariable)
621	Arrendamentos e canons
622	Reparacións e conservación
623	Servizos de profesionais independentes (Contratacións externas)
624	Transportes
625	Primas seguros
627	Publicidade e propaganda
628	Subministracións
629	Comunicacións e outros servizos
640	Soldos e salarios
642	Seguridade social a cargo da entidade
650	Transferencias (premios)

\* Resolución do 26/03/2013, do Plan de contabilidade de pequenas e medianas entidades sen fins lucrativos.

### Base 4. Exclusiones

#### Exclusiones específicas do programa F0203/2017

Ademais das exclusiones expresadas na base 4 das bases reguladoras, non serán obxecto de subvención neste programa:

- Os eventos de carácter económico vinculados á recreación histórica (feiras históricas, mercados medievais e similares) ou á celebración gastronómica (festas, xornadas de degustación de produtos e similares).
- As actividades de carácter non estritamente cultural, como viaxes de ocio (excursións, viaxes turísticos e similares) ou festas e celebracións de carácter veciñal (festas parroquiais, veciñais, gastronómicas...).

- As actividades formativas non vinculadas directamente a contidos artísticos (mecnografía, informática, manualidades, patchwork, cociña...).
- As actividades deportivas e de tempo libre, de promoción económica, de servizos sociais e de turismo.
- Os festivais musicais, audiovisuais e de artes escénicas que son obxecto específico do programa FO223.
- As actuacións artísticas solicitadas dentro da Rede Cultural.
- Os gastos de carácter xeral da entidade (persoal e gastos correntes). Só serán subvencionables os gastos que se adscriban directamente á realización da actividade obxecto da subvención, co límite máximo do 13% dos gastos directos da actividade. Estes gastos deberán especificarse motivadamente no orzamento.
- Os gastos de manutención, aloxamento e atención protocolarias; por iso, este tipo de gastos, tampouco poderán incluírse nos orzamentos que se presenten para calquera outra finalidade.
- Os gastos financeiros.

#### Base 5. Entidades solicitantes

##### Requisitos específicos do programa FO203/2017

- A presente convocatoria vai dirixida a entidades sen ánimo de lucro, con domicilio fiscal na provincia da Coruña ou que acrediten que as actividades obxecto da subvención se realizarán no ámbito territorial desta provincia.
- Quedan excluídas as entidades titulares de museos, centros de interpretación ou bibliotecas e as fundacións da provincia da Coruña (que teñen o programa específico FO200); as corais polifónicas, bandas de música populares, entidades de música e baile tradicional galego e formacións musicais de grande formato da provincia da Coruña (que teñen o programa específico FO213).

#### Base 6. Obrigas das entidades

- As entidades solicitantes procederán á inclusión do logotipo da Deputación nos soportes de difusión das actividades subvencionadas facendo constar ao seu carón o texto: "Actividade subvencionada pola Deputación da Coruña"
- As entidades solicitantes deberán ter a súa páxina web oficial e o conxunto de soportes informativos e de difusión das súas actividades en lingua galega, sen que iso exclúa a posibilidade de utilizaren tamén outras linguas. Non se subvencionarán solicitudes que exclúan a lingua galega como lingua de uso vehicular dos soportes divulgativos das actividades (web, redes sociais, cartelería, folletos e equivalentes).
- O incumprimento destes requisitos levará parella a perda da subvención.

#### Base 7. Solicitud

##### 7.1 Prazo e presentación de solicitudes específicos do programa FO203/2017

O prazo de presentación de solicitudes determinarase no anuncio de publicación da convocatoria deste programa no BOP da Coruña, a través do Sistema Nacional de Publicación de Subvencións.

##### 7.2 Documentación específica do programa FO203/2017

Ademais da documentación relacionada na base 7.2 das bases reguladoras, as entidades solicitantes teñen que achegar, de xeito telemático:

1.- Dossier explicativo da natureza e traxectoria da entidade solicitante e da proposta de actividade para a que solicita a subvención. Deberá incluír a seguinte información:

- Traxectoria da entidade (ano de fundación, anos de funcionamento)
- Descrición das características da entidade
- Descrición da labor de colaboración con outras entidades sociais e culturais, caso de existir.
- Descrición das liñas de traballo da entidade e relación dos grupos de traballo internos existentes en cada ámbito de acción.
- Indicación da páxina web e redes sociais para a difusión das actividades da asociación.

2.- Memoria explicativa da actividade para a que solicita a subvención, que conterà como mínimo os seguintes aspectos:

- Actividades a desenvolver.
- Obxectivos que se perseguen con elas.
- Colectivos e persoas destinatarias.
- Calendario das actividades.

- Estratexias de difusión pública e creación de públicos.
- 3.- Estatutos da entidade adaptados á lexislación vixente, nos que conste a inscrición no rexistro público correspondente.
- 4.- Orzamento estimado dos gastos derivados da realización do investimento, desagregado por conceptos.
- 5.- Importe da subvención solicitada, que non poderá superar o 80% do orzamento de gastos.
- 6.- Declaración doutras subvencións concedidas ou solicitadas para o mesmo obxecto.
- 7.- Certificación do número de persoas asociadas
- 8.- Declaración da disposición gratuita do seu local a outras entidades.
- 9.- Declaración da utilización da lingua galega na realización do proxecto.
- 10.- Acreditación da propiedade ou alugueiro de local, caso de existir.

Poderase requirir a entidade para que achegue cantos datos, documentos complementarios e aclaracións resulten necesarios para a tramitación e resolución do procedemento.

#### **Base 8. Resolución**

##### **8.1 Valoración das solicitudes específicas do programa F0203/2017**

- **Coeficiente de financiamento derivado da solicitude:** ata 10 puntos.
- **Traxectoria e base social da entidade:** ata 15 puntos.
- Menos de 5 anos de actividade continuada, 2 puntos.
- Entre 5 e 10 anos de actividade continuada, 3 puntos
- Máis de 10 anos de actividade continuada, 5 puntos.
- Entre 26 e 50 persoas asociadas, 5 puntos.
- Entre 51 e 100 persoas asociadas, 7 puntos.
- Máis de 100 persoas asociadas, 10 puntos.
- **Vertebración, aproveitamento social e cooperación sociocultural:** ata 15 puntos.
- A entidade conta con local en propiedade ou en alugueiro, 2 puntos.
- A entidade pon o seu local a disposición doutras entidades de forma gratuita, 3 puntos.
- O proxecto ou actividades van ser desenvolvidas en colaboración con outra entidade a maiores da que presenta a proposta: 5 puntos
- O proxecto ou actividades van ser desenvolvidas conxuntamente por dúas (ou máis) entidades a maiores da que presenta a proposta: 10 puntos.
- **Natureza cultural, diversificación e estabilidade das liñas de traballo da entidade:** ata 30 puntos.
- A entidade conta con grupo estábel de persoas no campo das artes escénicas ou musicais (grupo de teatro, grupo coral, formación musical...), ata 5 puntos.
- A entidade conta con grupo estábel de persoas no campo da lectura, o libro e a edición, (club de lectura, grupo de aprendizaxe de escritura...), ata 5 puntos.
- A entidade conta con grupo estábel de persoas no campo da imaxe, as artes plásticas e o audiovisual (espazo e programación expositiva, grupo de creación audiovisual, artístico e/ou fotográfico...) ata 5 puntos.
- A entidade conta con grupo estábel de persoas no campo do patrimonio material e/ou inmaterial (grupo de investigación e divulgación patrimonial e equivalentes), ata 5 puntos.
- A entidade conta con grupo estábel de persoas no campo do pensamento, a historia e o debate social (grupo de recuperación da memoria local e equivalentes, ata 5 puntos).
- A entidade conta con páxina web e perfís de redes sociais actualizados para a difusión e recollida de toda a actividade realizada: ata 5 puntos.
- **Interese da proposta presentada:** ata 30 puntos.

Valoraranse, no informe técnico correspondente, os seguintes aspectos:

- A calidade e a solvencia técnica da proposta, ata 10 puntos.
- O interese cultural da proposta, ata 10 puntos.

- O impacto sociocultural e estratexias de creación de públicos previstas na proposta, ata 10 puntos.

**Base 9. Xustificación e pagamento****9.3 Documentación específica do programa F0203/2017**

- Memoria xustificativa da realización da actividade e do cumprimento das condicións impostas na concesión da subvención, que conterà, como mínimo, os seguintes aspectos: actividades desenvoltas; temporalización; cuantificación e perfil dos participantes; resultados obtidos.

A Coruña, 17 de febreiro de 2017

O PRESIDENTE

Valentín González Formoso

O SECRETARIO

José Luis Almau Supervía

2017/1389